

Uttalar/innspel frå eldrerådet til budsjett 2021

Uttalar/innspel frå eldrerådet sine møte 03.09.2020,
14.10.2020 og 09.11.2020

Fra: Meline Heimdal Haugland
Sendt: fredag 18. september 2020 13:45
Til: Nina Erdal; Nils Jonny Skar; Hilde-Lill Våge; Ingebjørg Vamråk
Emne: Innspel frå eldrerådet til budsjett 2021 og økonomiplan 2021-2024

Hei,

Eldrerådet har kome med følgjande innspel til budsjettarbeidet for 2021 og økonomiplan 2021-2024:

SAKNR. 006/2020: Innspel til arbeid med Budsjett og økonomiplan 2021-2024

03.09.2020 Eldrerådet:

Handsaming i møtet:

Vassmålarar for eldre

Solveig Vassenden påpeika at ønskje om vassmålarar har vore tatt opp i eldrerådet mange gongar tidligare, men at ein ikkje er kome vidare i saka. Vassavgifta i Samnanger er dyr, og einslege pensjonistar med låg inntekt bør få redusert pris på vassavgifta. Medlemmane slutta seg til innspelet. Eldrerådet stilte spørsmål ved kor langt administrasjonen er kome i å undersøka saka om høve for vassmålarar.

Eldrerådet går inn for at vassavgifta for eldre einslege med låg inntekt ikkje aukar i budsjett for 2021. Einslege pensjonistar med låg inntekt bør få redusert pris på vassavgifta.

Kommunal bil for eldre med fleire

Solveig Vassenden viste til behovet for ein kommunal bil som kan brukast til å frakta eldre i kommunen. Kollektivtilbodet i kommunen er altfor dårleg. Kommunen kan til dømes setta av eit beløp kvart år som skal gå til innkjøp av ein bil. Pensjonistar kan vera sjåførar.

Alle medlemmane i eldrerådet var samd i at kommunen bør syte for ein bil som kan frakta, blant anna, eldre. Svein Verner Røseth påpeika at ein kommunal bil kan brukast av fleire og ein kan samarbeida om den, til dømes med idrettslaget. Terje Totland supplerte med ansvaret for bilen bør ligga til kommunen, men for at tiltaket skal løna seg bør bilen kunna brukast av fleire. Solveig Sjursen informerte om at i andre kommunar har ein handledagar med frivilligsentralen.

Eldrerådet går inn for at Samnanger kommune skal gå til innkjøp av ein kommunal bil som kan brukast av, blant anna, dei eldre.

Diverse vedlikehald og opprusting

Karin Børdalen Tveit etterlyste vedlikehald på gangbrua over Tysseelva på Ytre-Tysse. Her stikk det til

dømes opp tre frå dei små hola i underlaget som gjer at ein kan setta seg fast.

Terje Totland ønskjer at kommunen tilsetter ein person som kan ta seg av diverse rydding på offentlege uteområder. kommunen har eit stort ansvar når det gjelder rydding og vedlikehald. Opplever eit generelt dårleg vedlikehald i kommunen. Svein verner Røseth påpeika at tilstanden i Hagabotnane ikkje er OK.

Medlemmane i eldrerådet er samstemt om at det må gjerast noko med bjørkheimsområdet i forhold til planting og gjera området attraktivt. Kommunen må delta, men skal ikkje stå åleine i arbeidet. Sentrumsforeininga har eit stort ansvar.

ELD- 006/2020 Vedtak:

Eldrerådet har følgjande innspel til arbeid med budsjett og økonomiplan 2021-2024:

- 1) Eldrerådet går inn for at vassavgifta for eldre einslege med låg inntekt ikkje aukar i budsjett for 2021. Einslege pensjonistar med låg inntekt bør få redusert pris på vassavgifta.
- 2) Eldrerådet går inn for at Samnanger kommune skal gå til innkjøp av ein kommunal bil som kan brukast av, blant anna, dei eldre.
- 3) Medlemmane i eldrerådet er samstemt om at det må gjerast noko med bjørkheimsområdet i forhold til planting og gjera området attraktivt. Kommunen må delta, men skal ikkje stå åleine i arbeidet. Sentrumsforeininga har eit stort ansvar.

Med helsing

Meline Heimdal Haugland

Einingsleiar innbyggarservice, Samnanger kommune

56 58 74 09 / 47 46 55 10



Samnanger kommune

- der du vil leva og bu -

Eg gjer merksam på at dette ikkje er ei privat e-postadresse; både inngåande og utgåande epost vert vurdert for journalføring i kommunen sitt sak- og arkivsystem.

Fra: Meline Heimdal Haugland
Sendt: onsdag 21. oktober 2020 21:48
Til: Ingebjørg Vamråk; Nina Erdal
Emne: Oppdatert innspel frå eldrerådet til budsjett 2021 og økonomiplan 2021-2024
Vedlegg: Innspel frå eldrerådet til budsjett 2021 og økonomiplan 2021-2024 .pdf

Hei,

18. september sendte eg dykk innspel frå eldrerådet til budsjettarbeid for 2021 og økonomiplan 2021-2024. Sjå vedlegg. Saka vart handsama i eldrerådet sitt møte 03.09.20. I eldrerådet sitt møte 14.10.20 gjorde eldrerådet i tillegg følgjande vedtak om innspel arbeid med budsjett og økonomiplan:

For høge satsat på dagsenteret

Satsane på dagsenteret er for høge. Det kostar kr 90 for dagsenter, kr 60 i transport og kr 113 for middag, totalt kr 263. På dagsentera i Vaksdal kommune får ein middag og frokost for kr 203, og opphold på dagsenteret er gratis. Eldrerådet meiner at ein ikkje skal betala for sjølve opphaldet på dagsenteret, då dette bør vera ei gratis kommunal teneste. Eldrerådet veit at det er fleire eldre som ikkje har råd til å betala kr 263 per dag for å bruka dagsenteret. Samrøystes framlegg frå eldrerådet er at utgiftene for opphald på kr 90 vert tatt vekk, og at brukaren kun betalar for transport og middag, totalt kr 173.

Behov for kvilebenkar ulike plassar i kommunen

Det er behov for fleire benkar i kommunen som både kvileplass og møteplass. Særskild med tanke på parken på Bjørkheim og handelsområdet på Bjørkheim.

Eige budsjett for eldrerådet

Eldrerådet har behov for eit eige budsjett for å kunna gjera noko anna enn rein møteverksemd. Samrøystes framlegg om kr 10 000 til diverse kurs, servering, reise/synfaring/besøk til eldreråd i andre kommunar.

Eldrerådet må få vera med tidlig nok i kommunale prosessar når det gjelder planar og planleggja
Kommunen må leggja til rette for meir eldrestyrt samfunnsplanlegging.

Eg sender dykk vedtaket før møtereferatet er sendt ut til godkjenning. Dette er for å gje dykk opplysningane så snart som råd.

I møtet las eg opp vedtaket til medlemmane for å stadfesta at innspela var forstått rett.

Med helsing

Meline Heimdal Haugland

Einingsleiar innbyggarservice, Samnanger kommune

56 58 74 09 / 47 46 55 10

SAKNR. 008/2020: Uttale til budsjett 2020

Eldrerådet 09.11.2020

SAKNR. 008/2020: Uttale til budsjett 2021

09.11.2020 Eldrerådet:

Handsaming i møtet:

Fredag 06.11.20 meldte leiar i eldrerådet frå til sekretær om at innspela til budsjettarbeidet frå møte i eldrerådet 14.10.20 ikkje var kome med i saksframlegget til formannskapet og kommunestyret. I møtet informerte sekretær om at innspelet vil verta ettersendt.

I møtet vart følgjande innspel til Budsjett og økonomiplan 2021-2024 drøfta:

Vassmålarar, vassavgift og feieavgift:

Innspel til vedtak frå Terje Totland: Avgifter på kommunale tenester bør følga lønnsutviklinga/lønnsauka i samfunnet. Gjelder vannavgift- kloakk og feiaravgift.

Eige budsjett for eldreråde:

Drøfting i møtet om eige budsjett til eldrerådet. Sekretær informerte om at innspel om kr 10 000 til eige budsjett for eldrerådet er tatt med i framlegg frå rådmann.

For høge kostnader for opphald på dagsenteret:

Alle er samd om at innsendt innspel om prisreduksjon på kr 90 er svært viktig. Felles framlegg til vedtak: Pris per person per dag vert redusert med kr 90. Visar til innspel om prisar på dagsenteret vedtatt i møte 14.10.20.

Kvilebenkar i kommunen:

Det må vera råd for folk å sette seg ned, både ute og inne. T.d. i butikkane, i park og etter veg. Felles innspel til vedtak: Kommunen må få fleire kvilebenkar. Visar til innspel om kvilebenkar vedtatt i møte 14.10.20.

Vedtak:

Eldrerådet visar til tidligare innspel til budsjettarbeidet i møta 03.09.20 og 14.10.20, og ønskjer å spissa følgjande:

- Avgifter på kommunale tenester bør følga lønnsutviklinga/lønnsauka i samfunnet. Gjelder vannavgift- kloakk og feiaravgift. Visar til innspel vedtatt i møte 03.09.20.
- Kostnaden for opphald på dagsenteret er for høg. Pris per person per dag bør reduserast med kr 90. Visar til innspel vedtatt i møte 14.10.20.
- Kommunen må få fleire kvilebenkar. Visar til innspel om kvilebenkar vedtatt i møte 14.10.20.